

傷寒雜病論集註

圖氏



傷寒雜病論集註卷五

長安黃維翰竹齋甫學

藍田趙丕燮和庭甫校

遵化李 崑曉峯甫刊

辨陽明病脈證并治

問曰、病有太陽陽明、有正陽陽明、有少陽陽明、何謂也、答曰、太

陽陽明者、脾約「原註」
一云絡是也、正陽陽明者、胃家實是也、少陽陽明

者、發汗利小便已、胃中燥、煩實、大便難、是也。

「玉函」「千金翼」少陽作
微陽下同無煩實二字「玉

函」云脾約

一作脾結

尤在涇曰太陽陽明者病在太陽而兼陽明內實以其人胃陽素盛脾陰不布屎小而鞭病成脾約是太陽方受邪氣而陽明已成內實也正陽陽明者邪熱入胃糟粕內結爲陽明白病活人所謂病人本穀盛氣實是也少陽陽明者病從少陽而轉屬陽明得之發汗利小便津液去而胃燥實如本論所謂傷寒十餘日熱結在裏復往來寒熱者與大柴胡湯是也此因陽明病有是三者之異故設爲問答以明之而其爲胃家實則一也○章虛谷曰太陽陽明者謂邪由太陽傳入陽明卽化爲熱則不惡寒而反惡熱也脾主爲胃行津液者也胃家邪熱盛反約制其脾不得爲胃行津液故致燥渴便鞭如白虎湯滋其燥渴也脾約丸通其燥結也正陽陽明者內經言邪中於面則下陽明是陽明本經受邪內及於府故名胃家實也其邪初感亦必有脈浮緊惡寒等證如下各條所敘者但以陽明陽氣盛而邪易化熱旋卽不惡寒而反惡熱不同太陽之常惡寒少陽之往來寒熱也少陽止宜和解若發汗利小便則徒傷津液而邪不解因之轉入陽明津液傷則胃燥而煩邪熱內實則大便難也此總明三陽經邪所以入胃之證以下各條由此而生發也○陳修園曰太陽陽明者蓋以陽明之上燥氣主之本太陽不解太陽之標熱合陽明之燥熱併於太陰脾土之中脾之津液爲其所燥而弱約所謂脾約是也正陽陽明者蓋以燥氣者陽明之本也天有此燥氣人亦有此燥氣燥氣太過無中見太陰溼土之化所謂胃家實是也少陽陽明者蓋以少陽之上相火王之若病在少陽誤發汗誤利小便已水穀之津液耗竭而少陽之相火熾盛津竭而胃中燥火熾則煩而實實則大便難是也

龐安常曰有三陽陽明者其太陽陽明本太陽病右發汗若下若利小便此亡津液胃中



乾燥因轉屬陽明也少陽陽明者本傳到少陽因發汗利小便已胃中燥大便難也正陽陽明者病人本風盛氣實津液消鑠或始惡寒汗出多寒罷而反發熱或始得病便發熱

狂言也

案此節言陽明病有自受及太少二陽轉屬之三因爲一篇之提綱以下乃分疏之

陽明之爲病胃家實是也

〔原註〕〔千金翼〕實一作寒〔莫氏研經言〕寒即寒字之誤與實同義〔成本〕無是字

柯韻伯曰陽明爲傳化之府當更實更虛食入胃實而腸虛食下腸實而胃虛若但實不虛斯爲陽明之病根矣胃實不是陽明病而陽明之爲病悉從胃實上得來故以胃家實爲陽明一經之總綱也然致實之由最宜詳審有實於未病之先者有實於得病之後者有風寒外束熱不得越而實者有妄汗吐下重亡津液而實者有從本經熱盛而實者有從他經轉屬而實者此只舉其病根在實而勿得以胃實卽爲可下之證案陽明提綱與內經熱論不同熱論重在經絡病爲在表此以裏證爲主裏不和卽是陽明病他條或有表證仲景意不在表或兼經病仲景意不在經陽明爲闔凡裏證不和者又以闔病爲主不大便固闔也不小便亦闔也不能食食難用飽初欲食反不能食皆闔也自汗出盜汗出表開而裏闔也反無汗內外皆闔也種種闔病或然或否故提綱獨以胃實爲正胃實不是竟指燥屎堅鞭只對下利言下利是胃家不實矣故汗出解後胃中不和而下利者便不稱陽明病如胃中虛而不下利者便屬陽明卽初鞭後溏者總不失爲胃家實也所以然者陽明太陰同處中州而所司各別胃司納故以陽明主實脾司輸故以太陰主利同一胃府而分治如此是二經



所由分也○尤在涇曰胃者彙也水穀之海爲陽明之府也胃家實者邪熱入胃與糟粕相結而成實非胃氣日盛也凡傷寒腹滿便閉潮熱轉矢氣手足澀澀汗出等證皆是陽明胃實之證也○程郊倩曰太陽之爲病多從外入風寒等是病根陽明之爲病多從內受胃家實是病根而燥之一字則又胃家實之病根也○舒馳遠曰陽明以胃實爲正所以發黃與固瘕等證雖皆府病不得爲正陽陽明○沈堯封曰此是陽明證之提綱後稱陽明證三字俱有胃家實在內

「三十五難」小腸謂赤腸大腸謂白腸膽者謂青腸胃者謂黃腸膀胱者謂黑腸案首節胃家實三字指止陽陽明之一因而言此節胃家實三字統太正少之三因而言也胃家括胃小腸大腸膽膀胱在內膽實爲發黃膀胱實爲小便利故二證之治法見此篇也

問曰何緣得陽明病答曰太陽病若發汗若下若利小便此亡津液胃中乾燥因轉屬陽明不更衣內實大便難者此名陽明

也。「玉函」作發其汗若下之亡其津液此名陽明也作爲陽明病也

成無己曰本太陽病不解因汗利小便亡津液胃中乾燥太陽之邪入府轉屬陽明古人登廁必更衣不更衣者通爲不大便不更衣則胃中物不得泄故爲內實胃無津液加之蓄熱



大便則難爲陽明裏實也○尤在涇曰胃者津液之府也汗下利小便津液外亡胃中乾燥此時寒邪已變爲熱熱猶火也火必就燥所以邪氣轉屬陽明也而太陽轉屬陽明其端有二太陽初得病時發其汗汗先出不徹因轉屬陽明也爲邪氣未盡而傳其病在經此太陽病若汗若下若利小便亡津液胃中乾燥因轉屬陽明者爲邪氣變熱而傳其病在府也此陽明受病之因也○程郊倩曰本太陽病起至名陽明也止自是一氣說下而逶迤分別多少鋪置讀者當於此悟出太陽陽明轉屬褶疊處

〔總病論〕更衣卽登廁也非顏師古註漢書更衣之義集驗方痔有更衣挺出妨於更衣更衣出清血故以知之

陸九芝曰陽明主津液所生病病至陽明未有不傷津液者汗多亡陽下多亡陰皆謂亡津液而欲保津液仍在汗下之得其當

陳修園曰自此以下六節論陽明之氣主表而外合太陽主裏而內關津液之義也

問曰陽明病外證云何答曰身熱汗自出不惡寒反惡熱也〔玉函〕

作身熱汗出而不惡寒但反惡熱也

柯韻伯曰陽明主裏而亦有外證者有諸中而形諸外非另有外證也胃實之外見者其身則蒸蒸熱裏熱熾而達於外與太陽表邪發熱者不同其汗則濺濺然從內溢而無止息與



太陽風邪爲汗者不同表寒已散故不惡寒裏熱閉結故反惡熱只因有胃家實之病根卽見身熱自汗之外證不惡寒反惡熱之病情四證是陽明外證之提綱故胃中虛冷亦得稱陽明病者因其外證如此也○陳修園曰此一篇補出陽明外證合上節爲一內一外之總綱

問曰病有得之一日不發熱而惡寒者何也答曰雖得之一日

惡寒將自罷卽自汗出而惡熱也

發熱「玉函」作惡熱
「千金翼」發上無不字

柯韻伯曰陽明受病當二三日發上條是指其已發熱言此追究一日前未發熱時也初受風寒之日尙在陽明之表與太陽初受時同故陽明亦有麻黃桂枝證二日來表邪自罷故不惡寒寒止熱熾故汗自出而反惡熱兩陽合明之象見矣陽明病多從他經轉屬此因本經自受寒邪胃陽中發寒邪卽退反從熱化故耳若因亡津液而轉屬必在六七日來不在一二日間本經受病之初其惡寒雖與太陽同而無頭項強痛爲可辨卽發熱汗出亦同太陽桂枝證但不惡寒反惡熱之病情是陽明一經之樞紐○程郊倩曰陽明惡寒終是帶表至於府病不唯不惡寒且惡熱表罷不罷須於此驗之故從反詰以辨出然曰雖得之一日惡寒將自罷則已該夫陽明之不必轉得者初得陽明表氣被阻故亦有不發熱而惡寒證須臾卽化熱矣邪不關表故也○陳修園曰此承上文不惡寒反惡熱而言也但上文言陽明自內達外之表證此言風寒外入之表證

問曰惡寒何故自罷。答曰陽明居中主土也。萬物所歸無所復

傳。始雖惡寒二日自止。此爲陽明病也。

〔成本〕〔玉函〕
〔千金翼〕無主字

成無己曰胃爲水穀之海主養四旁四旁有病皆能傳入於胃入胃則更不復傳如太陽病傳之入胃則更不傳陽明陽明病傳之入胃則更不傳少陽少陽病傳之入胃則更不傳於三陰也○方中行曰無所復傳者胃爲水穀之海五藏六府四肢百骸皆資養於胃最宜通暢實則祕固復得通暢則生止於祕固則死死生決於此矣尙何復傳惡寒二日自止者熱入裏而將反惡熱以正陽陽明言也○柯韻伯曰太陽病八九日尙有惡寒證若少陽寒熱往來三陰惡寒轉甚非發汗溫中何能自罷惟陽明患寒未經表散即能自止與他經不同始雖惡寒二句語意在陽明居中句上夫知陽明之惡寒易止便知陽明爲病之本矣胃爲戊土位處中州表裏寒熱之邪無所不歸無所不化皆從燥化而爲實實則無所復傳此胃家實所以爲陽明之病根也

黃坤載曰感傷三陽則爲熱傳之三陰則爲寒以陽盛於府陰盛於藏府病則熱藏病則寒也感證一傳胃府則胃熱日增不復再傳三陰而爲寒緣陰盛之人三陽方病於外三陰卽應於中傳陰則後之惡寒無有止期此但入三陰爲寒不入胃府爲熱者也陽盛之人太陽被感府熱鬱生其始熱未極盛猶見惡寒俟至二日熱盛之極氣蒸汗泄則惡寒自止此但入胃府爲熱不入三陰爲寒者也陽盛則生陰盛則死陰莫盛於少陰陽莫盛於

於陽明病入三陰死多生少雖用薑附回陽難保十全無失最可慮也一傳胃府則正陽司氣三陰無權萬不一死至爲吉兆俟其胃熱盛實一用承氣攻下自無餘事陽貴陰賤正爲此也○案合信氏云各物不論五色五味胃津化後則色味俱無總歸一物無區別矣此萬物所歸之徵

本太陽初得病時發其汗汗先出不徹因轉屬陽明也傷寒發熱無汗嘔不能食而反汗出濇濇然者是轉屬陽明也

〔玉函〕〔千金翼〕傷寒

二字作
病一字

張隱庵曰此言陽明有內外轉屬之不同本太陽病發汗不徹而轉屬陽明此轉屬陽明之在外也不因發汗反自汗出而轉屬陽明此轉屬陽明之在內也則知陽明之轉屬有內外表裏之異矣○程郊倩曰徹者盡也透也汗出不透則邪未盡出而辛熱之藥性反內留而助動燥邪因轉屬陽明辨脈篇所云汗多則熱愈汗少則便難者是也傷寒發熱無汗嘔不能食太陽本證現在而反汗出濇濇然者知大便已結燥於內雖表證未罷已是轉屬陽明也濇濇連綿之意俗云汗一身不了又一身也○陳修園曰上文歷言陽明本經之自爲病此復申明太陽轉屬陽明之義除過汗亡津液外又有此汗出不徹而轉屬不因發汗而轉屬合常變而並言之也



案太陽中篇二陽併病太陽初得病時發其汗汗先出不徹因轉屬陽明云云與此上段同義下段摘錦謂即太陽篇中頗欲吐者爲傳也胃經受邪則喜吐葛根加半夏湯主之

傷寒三日陽明脈大。

方中行曰傷寒三日該中風而大約言也脈大者陽明氣血俱多也○沈明宗曰三日陽明脈大是爲陽明邪實之正脈○程郊倩曰大爲陽盛之診傷寒三日見此邪已去表入裏而脈從陽熱化氣知三陽當令無復陽去入陰之慮矣不言陰陽者該及浮沉具有實字之意不實則爲托爲虛凡下文云脈弱脈遲滑而疾脈沉脈浮而芤而濇等類皆貫此大字在內只從有力無力上討分曉○尤在涇曰邪氣併於太陽則浮併於陽明則大云三日者舉傳經次第之大凡也又陽明之脈人迎趺陽皆是傷寒三日邪入陽明則是二脈當大不得獨診於右手之附上也

〔序例〕尺寸俱長者陽明受病也當二三日發

戴元禮曰脈大者兩陽合明內外皆陽之象也此爲胃家實之正脈內經云陽明之至短而濇此指秋金司令之時脈又曰陽明脈象大浮也此指兩陽合明之病脈

案此節承上文而補申其轉屬之脈猶云太陽病三日脈大者爲傳屬陽明之候也此倒敘筆法太陽篇云傷寒二三日陽明少陽證不見者爲不傳也與此節互相發素脈要精

論微云大則

病進是也



傷寒脈浮而緩手足自溫者是爲繫在太陰太陰者身當發黃

若小便自利者不能發黃至七八日大便鞭者爲陽明病也

〔程本〕

合下節
爲一節

程郊倩曰陽明爲病本於胃家實則凡胃家之實不特三陽受邪能致其轉屬陽明卽三陰受邪亦能致其轉屬陽明聊舉太陰一經例之脈浮而緩是爲表脈然無頭痛發熱惡寒等外證而只手足溫是邪不在表而在裏但入裏有陰陽之分須以小便別之小便不利者溼蒸瘀熱而發黃以其人胃中原來無燥氣也小便自利者胃乾便鞭而成實以其人胃中本來有燥氣也病雖成於七八日而其始證卻脈浮而緩手足自溫則實太陰病轉屬來也旣已轉繫陽明其脈之浮緩者轉爲沉大不必言矣而手足之溫不止溫已也必濇然微汗出蓋陰證無汗汗出者必陽氣充於內而後溢於外其大便之實可知唯其從陰經轉來故汗雖出而仍微耳是之謂太陰陽明則推之少陰三大承氣證厥陰一小承氣證何非轉屬陽明之病哉凡三陰轉屬陽明自是三陰證罷故太陰則濇然微汗出少陰則口乾燥腹脹不大便厥陰自識語也

秦皇士曰此承明上條陽明之熱內傳太陰而爲燥熱脾約者當用脾約丸

柯韻伯曰客曰病在太陰同是小便自利至七八日暴煩下利者仍爲太陰病大便鞭者

轉爲陽明病其始則同其終則異何也曰陰陽異位陽道實陰道虛故脾家實則腐穢目去而從太陰之開胃家實則地道不通而成陽明之闔此其別也

張雲岐曰或謂傷寒發黃惟陽明太陰兩經有之俱言小便利者不能發黃何也蓋黃者土之正色以陽明太陰俱屬土故發黃也其黃之鬱外不得汗裏不得小便脾胃之土爲熱所蒸故色見於外爲黃也若小便利者熱不內蓄故不能變黃也其有別經發黃者亦由脾胃之土兼受邪故也

陳修園曰此節合下節明陽明與太陰相表裏之義也

傷寒轉繫陽明者其人濇然微汗出也。「玉函」作濇然

汪苓友曰此承上文而申言之上言傷寒繫在太陰要之既轉而繫於陽明其人外證不但小便利當濇然微汗出蓋熱蒸於內汗潤於外汗雖微而府實之證的矣

陽明中風口苦咽乾腹滿微喘發熱惡寒脈浮而緊若下之則

腹滿小便難也。「古本」作發熱惡風脈浮而緩

方中行曰陽明之脈俠口環脣膽熱則口苦咽爲膽之使故口苦則咽乾腹滿熱入陽明也微喘發熱惡寒脈浮而緊風寒俱有而太陽未除也下之腹滿者誤下則裏虛外邪內陷也



小便難亡津液也○王宇泰曰發熱惡寒表未解也而誤下之則亡陰亡陰則陽無以化故腹滿小便難也許學士云宜小柴胡湯○柯韻伯曰本條無日疼鼻乾之經病又無尺寸俱長之表脈微喘惡寒脈浮而緊與太陽麻黃證同口苦咽乾又似太陽少陽合病更兼腹滿又似太陽太陰兩感他經形證互呈本經形證未顯何以名為陽明中風耶以無頭項強痛則不屬太陽不耳聾目赤則不屬少陽不腹滿自利則不關太陰是知口為胃竅咽為胃門腹為胃室喘為胃病矣今雖惡寒二日必止脈之浮緊亦潮熱有時之候也此為陽明初病在裏之表津液素虧故有是證若以腹滿為胃實而下之津液既竭腹更滿而小便難必大便反易矣此中風轉中寒胃實轉胃虛初能食而致反不能食之機也傷寒中風但見有柴胡一證便是則口苦咽乾當從少陽證治脈浮而緊者當曰弦矣○程知曰此言陽明兼有太陽少陽表邪即不可攻也○中西惟忠曰此三陽合病之輕者也○陳修園曰此言陽明之氣不特與太陰為表裏抑且中合於少陽外合於太陽也

案靈藏府篇云中於面則下陽明蓋風邪從面前來由口鼻而入中於胃府故見口苦咽

乾腹滿微

喘等證

陽明病若能食名中風不能食名中寒

「一名字〔玉函〕
〔千金翼〕作為

程郊倩曰本因有熱則陽邪應之陽化穀故能食就能食者名之曰中風其實乃瘀熱在裏證也本因有寒則陰邪應之陰不化穀故不能食就不能食者名之曰中寒其實乃胃中虛

冷證也○柯韻伯曰此不特以能食不能食別風寒更以能食不能食審胃家虛實也要知風寒本一體髓人胃氣而別○方中行曰名猶言爲也中寒卽傷寒之互詞

王樸莊曰風之中面及膺者中風也風之從鼻入胃者中寒也其證皆胃家實故曰陽明病也太陽主榮衛陽明主肌肉外寒所傷必由太陽無專傷陽明之理故不曰傷寒而曰

中寒明寒之

不自表入也

陽明病若中寒者不能食小便不利手足濇然汗出此欲作固

瘕必大便初鞭後溏所以然者以胃中冷水穀不別故也

〔成本〕寒下無

者字〔玉函〕〔千金翼〕無若字食下有而字固作堅○瘕音賈

黃坤載曰陽明病若中寒不能食土溼而小便不利手足陽池而濇然汗出此寒氣凝結欲作堅固之瘕瘕大便必初鞭後溏所以然者胃中寒冷不能蒸化水穀水穀不別俱入二腸而成泄利故也凡水寒土溼陰氣凝結瘕塊堅鞭多病溏泄服暖水燥土之劑陽回泄止寒消塊化續從大便而出滑白粘聯狀如痰涕是卽固瘕之泮解而後行者也五十七難所謂大瘕泄者卽此○柯韻伯曰胃實則中熱故能消穀胃虛則中寒故不能食陽明以胃實爲病根更當以胃寒爲深慮耳凡身熱汗出不惡寒反惡熱稱陽明病今但手足汗出則津液

之洩於外者尙少小便不利則津液不泄於下陽明所慮在亡津液此更慮其不能化液矣
固瘕卽初鞭後澹之謂肛門雖固結而腸中不全乾也澹卽水穀不別之象大腸小腸俱屬
於胃欲知胃之虛實必於二便驗之小便利屎定鞭小便不利必大便初鞭後澹今人但知
大便鞭大便難不大便者爲陽明病亦知小便難小便不利小便數少或不尿者皆陽明病
乎○喻嘉言曰註謂固爲堅固瘕爲積聚大謬蓋大便初鞭後澹因成瘕泄瘕泄卽澹泄久
而不止則曰固瘕也○程郊倩曰胃中冷小便難能作穀疸小便不利亦能作固瘕穀疸雖
腹滿不可攻固瘕雖大便鞭不可攻此之手足澹然汗出者小便不利所致水溢非胃蒸也
固瘕者固而成癖水氣所結其腹必有響聲特以結在胸爲水結胸結在腹爲固瘕陰陽冷
熱攸別水穀不別屬溼熱偏滲者多此點出胃中冷欲人知病本於寒宜從寒治不在利小
便也○王宇泰曰此欲作固瘕厚朴生薑甘草半夏人參湯或用理中湯

陽明病初欲食小便反不利大便自調其人骨節疼翕翕如有

熱狀奄然發狂濺然汗出而解者此水不勝穀氣與汗共并脈

緊則愈

〔成本〕無初字不利〔玉函〕〔千金翼〕作不數并
〔成本〕〔玉函〕作併脈緊〔千金及翼〕作堅者

成無已曰陽病客熱初傳入胃胃熱則消穀而欲食陽明病熱爲實者則小假當數大便當
鞭今小便反不利大便自調者熱氣散漫不爲實也欲食則胃中穀多穀多則陽氣勝熱消

津液則水少水少則陰血弱金匱要畧曰陰氣不通即骨疼其人骨節疼者陰氣不足也熱甚於表者翕翕發熱甚於裏者蒸蒸發熱此熱氣散漫不專著於表裏故翕翕如有熱狀奄忽也忽然發狂者陰不勝陽也陽明蘊熱爲實者須下之愈熱氣散漫不爲實者必待汗出而愈故云濺然而汗出解也水穀之等者陰陽氣平也水不勝穀氣是陰不勝陽也汗出則陽氣衰脈緊則陰氣生陰陽氣平兩無偏勝則愈故曰與汗共併脈緊則愈○張隱庵曰此言陽明中風也○尤在涇曰前條中寒不能食所以雖有堅屎而病固瘕此條胃強欲食所以雖有水溼而忽從汗散合而觀之可以知陰陽進退之機

〔素陽明脈解篇〕四支者諸陽之本也陽盛則四支實實則能登高也熱盛於身故棄衣欲走也陽盛則使人妄言罵詈不避親疏而不欲食不欲食故妄走也

陽明病欲解時從申至戌上

〔玉函〕〔千金翼〕至作盡無上字

張隱庵曰經云日西而陽氣衰陽明之所主也從申至戌上乃陽明主氣之時表裏之邪欲出必隨旺時而解○尤在涇曰申酉戌時日晡時也陽明潮熱發於日晡陽明病解亦於日晡則申酉戌爲陽明之時其病者邪氣於是發其解者正氣於是復也○舒馳遠曰凡病欲解之時必從其經氣之王以正氣得所王之時則能勝邪故病解乃陽明之潮熱獨作申酉戌者又以府邪實盛正不能勝惟乘王時而僅與一爭耳是以一從王時而病解一從王時而熱潮各有自然之理也

陽明病不能食攻其熱必噦所以然者胃中虛冷故也以其人

本虛攻其熱必噦

〔成本〕攻上有故字

秦皇士曰陽明不能食有寒熱二條胃熱不能食攻其熱則愈胃寒不能食攻其熱必噦
○柯韻伯曰初受病便不能食知其人本來胃虛與中有燥屎而反不能食者有別也噦爲
胃病病深者其聲噦矣○程郊倩曰本虛以平素言熱以陽明病言有本則凡病之來雖有
熱邪俱宜標視之不能食之外無他證輒以攻熱爲戒幸世人勿以胃火二字浪加陽明也
張隱庵曰合下三節首言胃府虛次言經脈虛末言皮腠虛意謂胃府虛而後經脈虛經
脈虛而後皮腠虛故末結曰此以久虛故也

高士宗曰徧閱諸經止有噦而無呃則噦之爲呃也確乎不易詩云鑾聲噦噦謂呃之發
聲有序如車鑾聲之有節奏也凡經論之言噦者俱作呃解無疑

陳修園曰此節言陽明中氣虛寒之爲病次節言食氣入胃胃虛不能淫精於經脈三節
言胃氣虛不能輸精於皮毛也

陽明病脈遲食難用飽飽則微煩頭眩必小便難此欲作穀瘕
雖下之腹滿如故所以然者脈遲故也

〔千金翼〕頭眩下有者字腹滿作其腹必滿微〔玉函〕及〔金匱〕作